

խնդրեցին յինէն դուշակ , և են ետու զինուորս պահապան գերեզմանին զոր ինքեանք կամէին : Եւ զինուորքն եկեալ 'ի միաշարաթու առաւօտուն այսպէս ասացին . յերեկոյի շարաթուն յորում միաշարաթն լուսանայր , թնդ իւն եղեւ յերկնից և երկիրս պայծառացաւ լուսով եօթնպատիկ առաւել քան զարեգակն , և երեւեցան պայծառ լուսով անթիւ բազմութիւնք լուսակերպ արանց՝ որք ազգազակէին . Քրիստոս Յիսուս խաչեալն Աստուած մեր յարեալ 'ի մեռելոց . պատուէր ետ լուսակերպ արանց երթալ պատմեալ աշակերտացն զի երթիցեն 'ի Գալիլեա եւ անդ տեսցեն զնա , և զայս ամենայն տեսեալ զինուորաց պատմեցին մեզ . և մեք ծանուցաք ինքնակալութեանդ . որջ լեր :

Իսկ Արդար արքայ յերկրորդ նամակին իւրում առ Տիրեր բողոք կալեալ զանիրաւութենէ Պիղատոսի՝ խնդրէ լուծանել զնա յիշխանութենէ և զսյլ ոք առաքել 'ի տեղի նորա : Ապա 'ի յայտնիլ անիրաւ դատաստանի նորին , կոչեցաւ 'ի Հռոմ տալ համար վասն գործոց իւրոց (35) . և դատապարտեցաւ յաքսորս , ուր յուսահատեալ 'ի դառն տառապանաց եղեւ անձին դահլիճ աննուէր : Ընկեցաւ 'ի պատուոյն և Կայսրիա , ընդ որ ուրախ եղեն Հրեայք :

Հերովդէս Ագրիպպաս յետ մահուան Տիրերի հնարիւք գերծաւ 'ի բանտէն և առեալ զթագաւորութիւնն Պաղեստինոյ՝ դարձաւ անդ , բանադատեաց զՀերովդէս չորրորդապետ երթալ 'ի Հռոմ կնաւ իւրով և ինքն յարոյց հալածանս և ձեռն արկ չարչարել զոմանս յեկեղեցւոյն , եւ սպան զՅակոբոս զեղբայրն Յովհաննու սրով . և զի առաւել հաճոյ Հրէիցն լինիցի , կալաւ զՊետրոս եւ կապեալ կրկին շղթայիւք եղ 'ի բանտի , ուստի աղօթիւք հուստացելոց և 'ի ձեռն հրեշտակի Տեսուն պրծեալ ասրեցաւ : Այլ վասն առաքելոյն Յակոբայ , որ զկնի Ս . Ստեփաննոսի՝ նախ քան զամենայն առաքեալս նա էարբ զբաժակ մարտիրոսութեան , պատմի 'ի ձառ ընտիրս և Յայտնաւորս Հայոց , թէ գլխատեցաւ նա 'ի Կեսարիա Պաղեստինացոց , 'ի գիւղն Ղազուն , և հրեշտակ Տեսուն առեալ զպատուական գլուխ նորին երեր յերուսաղէմ և եղ առաջի սուրբ Աստուածածնին , մինչդեռ նստեալ սգային 'ի միասին աստուածամայրն Մարիամ , և տեսանեղբայրն Յակովբոս եւ